

مجموعه رسائل

❁ ادبی و سیاسی رساله‌ها ❁

۳۱ نجفی سنه

۱۱ ربیع الاول ۱۳۳۰

❁ پنجمین ❁

جزء و عدد : ۱۳۵

آمریغو ودهس پوچچی

آمریقانك كاشف اولى اولديغنى اذعا ایدن آمریغو ودهس پوچچنك درت يوزنجی سنه وفاتی بوكون ختام بولان شباط افرنجینك بكن ۲۲ نجی پنجشنبه كونه مصادف ایدی .

بو قبودان ، ۱۴۵۱ سنه میلادیه سنده فلورانسه ده تولد ایتشدرد . وفاتی ایسه ۱۵۱۳ سنه سنده اسپانیانك (سیویلا) و بزجه (اشبیلیه) دینلان قصبه سنده وقوع بولمشدر .

آمریغو ، تأمین رفاهیت و امید استقبال ایله ده اکنج یاشنده ایکن ایتالیایی ترك ایدرك اشبیلیه عزیمت واوراده گمی تجهیزاتیله توغل ایدن زنگین برصرافه انتساب ایلشدر .

برمدت صكره كاه اسپانیا ، و كاه پورتوغال هیئت سفیره لرینه قلاغوز صفتیله اشتراك ایدرك ، شرف كشی قریستوف قولومبه راجع اولان اقطار بعیده به بر چوق سیاحتلر اجرا ایتشدرد .

آمریقا قطعه سنه ۱۴۹۷ ده ، یعنی قریستوف قولومبوسدن بر سنه اول آیاق باصدینی اذعاسنده بولمقله بو بیوك كاشفك موفقیتنی یالکیز (آنتیل) دکنزنده کی آطه لرك كشفندن عبارت گوسترمك ایسته مش ایسه ده ، ودهس پوچچینك كرك بو سیاحتك ، كرك دیگر اوج بیوك سفرینك هانکی سنه لره مصادف اولدینی مسئله می هنوز صورت قطعه ده حل اولمه مامشدر . یالکیز معلوم برشی وارسه اوده آمریغوس ودهس پوچچینك مؤخرآ (ماجللان) طرفندن اجرا ایدلمش اولان دور ارض سیاحتنه ۱۵۰۴ سنه سنده اثبث ایتش اولسی در .

ودهس پوچچی ۱۵۰۸ سنه سنده باش قلاغوز نصب اولنه رقی اسپانیا سواحلنده سیر سفان امورینه واقفانه نظارت ایلشدر .

آلمانیا قوزموغرافیا علماسندن (مارتن والدەزە موللر) بو کاشفک حیات
 سفريه سی حقنده برکتاب تالیف ایتمیش و بر جدیدک (آمریکا) نامیلە برنجی دفعه ذکر
 اولندیغنه بو ارده تصادف ایدلمشدر . مؤلفی فرقنده اولمدينی حالدە یواش یواش
 تعم ایدن بواسم ، مؤخرأ بتون خریطه لرده ، جغرافیا کتابلرنده استعمال اولنمشدر .
 شو صوگ سنه لرده بر جدیدک وجه تسمیه سی نیکاراغوا Nicaragua اهالی
 اصلیه سی لساننده (شو اقی جبال) معناسنه اولان بر ترکیدن مأخوذ
 و مشتق اولمق لازم کله جکی فرضیه سی اشاعه و انتشار ایتمیش ایسه ده ،
 ظاهرأ معنیدار کوریلان بو تفسیر و تأویلك ، بحث اطرافیلە تدقیق و تحلیل اولندینی
 وقت زیونی ظاهر اولمقده در .

